

皇明經世文編

皇明經世文編卷之四百二十二

華亭

陳子龍臥子 徐孚遠闇公

選輯

宋徵璧尚木 夏允彝瑗公

樵李黃孟瀾坡仙叅閱

李襄毅公撫遼奏稿

疏

李化龍

鎮武大捷疏

勝東虜

議照遼左三面環虜多如蝟毛乃其最大者有二枝
曰土蠻以衆稱曰速把亥以強稱土蠻死矣其子卜

皇明經世編



李襄毅集

勝東虜

平露堂

彥台周嗣罕。速把亥戮矣。其子把兔兒。其族炒花花。大領兵。然上彥台周雖多而遠。其大舉有時。把兔兒炒花者。盤據舊遼陽以北。居兩河之中。東犯遼瀋。西犯廣寧。南犯海蓋。春夏則擁衆抄掠。秋冬則勾北虜狂逞。近自東征之後。我兵凋殘疲敝。幾不能軍。虜益乘虛而攻。自春及夏。闌入無度。沿邊墩臺。盡行掘毀。遂圍鎮城。掠清細河。時出時入。若無人然。其言曰。我先剗尔眼目。然後剗爾心腸。眼目者墩臺也。心腸者城堡也。蓋其視全遼若已入其囊中。即全遼亦人人

自危不能保其不被髮而左衽矣。初臣化龍與鎮臣勝州

以初秋先後入境。時虜方解鎮城之圍而歸。臣等聞

士馬望郊原。見其焚燬荒涼。瞿然驚嘆。已復深念事

急矣。即請兵請餉。何所從得。且亦何救目前。無已。且

就見在兵馬。清役占汰羸弱。簡其堪戰者。日夜訓練

以待。卒有零擊得虜首者。當即給銀五十兩。令乘馬

由臣化龍正門出。目送之。衆爲之指目而艷美焉。有

戰心矣。大將日日練士盤馬。且殺牲取血。瀝之酒。與

將士共飲。約曰。居常而剝軍虐下者。有如此酒。虜入

而縮胸逗遛者有如此酒，衆爲之灑然。變色易容，髮上指冠，有戰氣矣。虜氣益驕，志益盛，東西相結，後先竝犯，謀報誼傳，遠邇惶駭。臣等復議以爲虜勢憑陵極矣。今茲之舉，諸邊之虜皆在焉，更不一戰，是虜知吾終不能戰也。自是不復出邊，遼其亡矣。一戰而存，遼東卽死，猶爲之。况未必死乎。顧卜彥之虜多至數萬，難與爭鋒。且賊所垂涎者右屯，右屯有備矣。自餘稍稍貼防，便足自保。炒花把兔之虜僅萬餘，宜併力破之。東虜旣破，西虜當不戰走也。旣賊如吳家墳三

日不出。西虜已近邊，有言空急擊東虜者。大將以爲其地環海多潮，溝盛蘆葦。我兵不得成列，即幸而勝亦殺傷相當，更何以支西虜乎？復待之一日，再與衆將議，賊見我兵扼其歸，必且不出，更遲一日。西虜深至右屯，則勢合。勢合而我兵氣已奪，不戰自潰矣。因下令退兵，匿之鎮武堡，空其營盤。賊前哨馳至營盤，見已無兵，鼓掌笑曰：「蠻果畏我乎？胡不與我戰？」因率其衆長驅過之，過未畢而我師出矣。大呼震天，如墻而進，賊猶從容搏戰。久乃不支，倒戈而奔，劃如山裂。

我兵乘之，僵屍滿地，賊益急。所不死者，棄甲冑，挾鞍轡，空馬而逃。人畜駝馬，委棄遍野。鐵鍋氊帳，積若崇丘。戰後一日，有自虜中回者，言虜狂奔一夜，更不返。

傾直至天明，然後駐馬聚哭。蓋風聲鶴唳，皆爲晉兵。

虜性敗則疏過

虜敗大都若斯矣。是役也，賊有萬餘，我兵摘發之後，僅僅滿萬，要當以氣勝之。所最快者，虜中精兵來則衝鋒，去則殿後。今虜正情歸，從後擊之，斬馘數多，則精兵盡，馬其足也，駱駝氊鍋其家產也。人畜糧米，原係橫財，委而棄之已矣，而折其足，傾其家，蕩其產，所

歸巢者。蕭然一身耳。空其悲乎。蓋此虜非三五年後。敗氣未易復也。虜敗之明日。而西虜果至右屯。深至吳家墳。呼墩軍而問之曰。吾達子何在。墩軍曰。昨爲官軍殺盡矣。駝馬萬計。盡驅入廣寧城矣。虜遂驟馬奔回。團營而攻右屯五日。竟不能克而去。非獨其守之堅。救之急。抑亦休於戰勝之威。自不敢久也。則所謂東虜旣破。西虜當不戰走也。以東之戰。爲西之守。戰旣勝。守遂堅。坐令東虜無家。西虜無利。乃知鎮武之勝。蓋全勝也。此豈臣等之力所能及哉。

黑山之勝

嗣後又有特遠高平

摘陳遼左緊要事空疏

遼左事空

題爲摘陳目前緊要事空以飭邊務事該臣會同總督薊遼保定經畧禦倭兵部右侍郎孫鏞巡按山東監察御史宋興祖議照遼左地方在各邊爲最重其殘破亦視各邊爲最甚故今日整理衆以爲難然天下無不可爲之時亦無不可爲之事况遼地雖小然內控京畿外通屬國豈容任其破壞不爲收拾故臣等視事以來共相期許但空隨事實行期有成效不必紛紛建議以飾觀聽但其中有事關錢糧或法應

更改必須請旨始便遵行謹將應行緊要事定條爲
六款伏乞 勅下該部議覆行臣等遵奉施行

計開

一查得本鎮先年各城堡副總叅遊守備備禦提調
因戰陣乏人各有隨任家丁原無定額多者百餘少
者五六十名或三四十名厚其養贍用備前鋒每遇
征戰家丁當先弱兵隨之雖不無利鈍然尚有征戰
之時其家丁有支雙糧者有支單糧者皆頂食迺故
軍糧實未分外糜費至萬曆十八年閱視之後每將

領止畱三十名，其餘通行裁革，共裁革去一千四十

餘名，止餘六百餘名，又多支單糧少支雙糧，一時亦

宋舞以家丁算

傷

覺省餉，然自此以後，遼兵遂不能戰，蓋衝鋒破敵之

士，既無厚養，皆逃之別鎮，而在營月食四錢之軍，皆

窮疲單弱，豈堪禦侮。年來虜勢猖獗，臧此之由。夫裁

冗固所以節財，然因餉廢軍，不免因噎廢食。况本鎮

自東征之後，兵馬凋敝，招募勾補，急難如額，逃故錢

糧，自堪克家丁之費。臣等較時論勢，相應復舊為便。

合無准令各城堡將領，如守備備禦，仍止十名，副叅

遊係遼東人。准五十名上下。係關西人。准百名上下。其有家丁原多。如李如梅趙夢麟等衆所共知。但取有人不妨多養。先報各道查閱明實。仍解赴臣巡撫及總兵衙門試驗。如果年力曉健。騎射頗優。每名每月准食雙糧銀八錢。年支賞銀八錢七分五釐。仍每名給與官馬一匹。月支行料四錢五分。自己餵養。騎操。如有仍前占騎軍馬。需索料草飲食。貽害軍伍者。家丁法治。將領叅究。其有脆弱不堪。即行革退。不得浪費糧餉。仍行各道時常點查。若有頂名。虎冒。亦即

坐贓從重叅究。再照各該將領如李如梅、趙夢麟、李如梧、方時春、馬棟、董雄等，皆自到任之時，即領家丁同到地方。至今有二三月，尚未得食糧，緣未經題請。故餉司不肯支放，合無仍令按月補給，庶免怨咨。

一查得先年獲功陣亡官軍首級優恤銀兩，不踰時月，即行給發，以故人心鼓舞，勇於殺賊。近年因嚴查冒濫功級及欺隱殺掠人民，每遇查勘，承委官員亦未必真非查勘不過尋常文移以塞責耳虞有不實，必多方駁勘，耽延日時。有二三年，尚未得支領者，其獲功軍丁降夷及陣亡之家，孤兒寡婦，日日

擁門告訖無以應之。歿者含寃生者解體軍威不振。良有所自。臣等竊惟殺掠欺隱固須嚴查。至于陣亡回陣。即已報明首級。一見自知真僞。徒以別故耽延。殊爲不便。累經前任撫臣咨請。兵部亦移咨令借解子銀預發。但子銀多係買過貨物。并各項緊急借出應用。見銀無幾。伏乞勅下兵部再加查議預發賞功銀二三萬兩。解運前來收貯。行巡按衙門將以前驗過首級及查過陣亡人數。通行該道查出。應得銀兩未給者全給。借給者補還。以後遇有虜賊入犯。容

臣等先將獲過功級及陣亡人數並虜出入日期查明即具畧節題奏。行巡按御史勘明即先給與其地方殺虜人畜等項不妨行令按臣及覆駁勘歸結庶賞不踰時人心兢勸。

一查得本鎮軍士先年曾調五百名征寧夏回日盈甲盡留彼處後調數千征倭往返二年盈甲蒸濕爛十不存一見今倭事未已仍于寬奠招兵兵馬尚可糾集盈甲器械豈容卒就本鎮雖有額設局造然計闔鎮一年打造尚不能完新募標兵二千之用其

餘何從取給合無于內府戊字庫所貯盛甲弓箭撒袋等項擇其新者請發五千副或八千副給散新募及無甲軍士再照禦虜禦倭皆需火器本鎮舊雖多有年來多于江東損失及新兵亦應給領合于京庫所貯三眼槍及快槍各發五千杆庶濟急用

一寧前一帶南海北虜路僅一線虜騎出沒無時每過官道撲人居者心悸行者蒐銷城堡空虛軍丁咸徙荒草彌望似斷人煙先年節經諸臣建議填實譬之移山填海茫無實效惟隆慶年間按臣李輔萬曆

年間科臣王致祥條陳該戶兵二部覆議通行順天河南陝西山西山東等處撫按衙門各將應問充發山陝宣大等處邊遠并三犯逃軍不拘久近俱編發遼東填實錦義寧前衛所每年終各將編發過名數咨部轉行該鎮查考等因題奉欽依備咨在卷自定例之後解發亦多乃近年以來漸次減少緣事久卷沉官更吏代信手批發遂失初意合無勅下兵部再爲申明通行十三省兩直隸凡有應問邊遠充軍人犯并三犯逃軍俱解發遼鎮聽臣等填實寧前衛

所收補逃故軍伍照例處給月糧房田如有各省軍犯問發別鎮赴部掛號或年終造冊到部亦行改發遼鎮如此行之十年則寧前人多不但填實地方亦可驅逐醜虜譬之深山無人則虎豹交叢城市人聚則狐兔潛跡亦其勢也。

一據分巡兵備右叅議王邦俊呈稱查得本鎮馬政事例陣失者官給價買補槽下歿者分別年限久近以定賠償多寡每年二次點閘察其肥瘠以行責罰馬有倒失即日開除料冊久之奸弊百出或槽下歿

者多報陣失。或領養年近，詐稱年遠。委官點閱，多屬該衛經歷。彼此扶同作姦，以致營馬虛耗。又買馬事例，部發價銀歲十一萬七千八百兩有奇，除各道分領外，本道所屬該分價七萬五千五百兩有奇。舊議委官往蘓杭等處收買段布貨物，市換夷馬。迨後委買市大弊在此，所以易收，即不取亦無益於國，且慢官多方侵漁，互相蒙蔽，置買質貨以欺夷。彼亦以病於身也馬欺我，率不堪用。旋多倒歎。又有各營領去馬價，或收買老馬以充數，或暫借他馬以應點。弊孔多端，難以盡舉。皆由于無專官稽查之故也。先年設有行太

僕寺少卿專管馬政點鬪比較至萬曆八年題 准
將本寺裁革分責各道兼理但本道所轄乃大營兵
馬駐劄之處兼屬九衛四十五營堡邊長五百餘里
馬計一萬七千餘匹俱應每年點鬪二次至于稽查
倒失驗督買補種種至繁其視四道不能當本道之
半且邊疆近日多事一切戰守事宜十倍往時經畫
處置日不暇給豈復于馬政得以致其詳哉乞題添
設府佐官一員駐劄廣寧專管馬政等因到臣該臣
看得添一官必增一官之費遼陽都司首領官四員

或有可以裁冗抵補者。隨行據分守邊備右叅議楊
鎬呈稱。查得原額遼東都指揮使司置經歷司都事
斷事司副斷事。蓋倣省直之成制。以爲軍政之贊襄。
嗣後按院守道駐臨。及本都司凡有批行差委。皆于
四首領分任。然都事副斷事原無重大責任。較之經
歷斷事有印務者。差異于中。裁減一員。即以所省俸
薪。增補管馬通判。委于損益合宜。緣由回報前來。臣
等看得舊時馬政。非無成規。而法久弊生。遂致戰馬
日耗。每年點查。非不委官。而旋用一時。以故徇情廢

法。况分巡道所轄大營。比各道兵馬既多。又置貨易馬。給價買補印烙稽查。一應事務。比先年尤繁。委應專官管理。合無添設管馬通判一員。于山東濟南府列銜。行令駐劄廣寧。專管馬政。如遇各營領價買馬。夷市換馬。俱要查驗。務堪戰陣之用。毋以瘦弱濫收。營馬倒灰。每月查考的數。不得虛侵料銀。見在軍馬。每年印烙二次。不致老瘦抵換。領養之年限久近。必籍灰傷于陣中。槽下必稽。子銀買貨。察其侵欺。毋使姦宄得計。馬市交易。親爲撫處。毋令外夷離心。一切

馬政所關皆當畢力從事。年終造冊仍聽該道總管。其俸糧柴薪馬夫廩給紙割小菜并跟辦人役等項俱照管糧通判事例。于各該衙門支給。駐劄衙門查給裁革將官空閑衙門一所。量爲修理。居住。如果馬政修舉。照例薦敘。如或因循廢弛。年終一體查叅。仍將都司副斷事裁革。所省冗員之費。即抵通判之資。是亦補偏救弊之一得也。

一據分守邊備右叅議楊鏞呈稱。准遼東都司局捕兼管車營遊擊楊大觀手本。開稱本營于萬曆二年

添設將領議撥馬步軍兵一千五百員名原以遼陽
五哨州兵并腹裏墩軍及充發清勾新軍填實充補
虛名者多見在者少近日除河西選拔及協營推挽
砲車撥填武靖營并擺撥塘報等項外實在營止有
馬步軍三百四十四名計一營之兵不足一旅之數
且協營空虛遊營單弱空營兩將何濟戰守合將此
營兵馬仍歸副將營填實原伍本職照舊管理局捕
事務等因到道呈詳到臣臣等看得車營之立意非
不善但當日原未添兵止是分撥協營之見兵益以

清勾填實之虛數而已。顧有一營則有一營之差撥，多一官則多一官之役占，所以愈累愈逸，愈久愈弱。迄今見在者，止有三百餘名，自遊擊千把總跟伴之外，所餘無幾。豈成營伍，豈堪應敵。及查副將營軍士亦止二千餘名，復將車營軍士取挽砲車，則車營已在協營之內矣。却以所餘三百之軍，仍擁空名，甚屬無謂。合將車營兵馬火器車兩，照舊歸併副將統領，照常操練，不得廢弛。場大觀仍以遊擊原銜管理都司局捕事務，候離任員缺，止推都司局捕正銜，其本

官原領 勅書旗牌照舊規送都司轉繳庶營伍充
實官不虛設

議復開市撫賞疏

復開原
馬市

議照開原一路孤懸天末三面環夷如黑子之著面
蓋九邊最危地也乃向來被兵反比之別路差少則
亦有說其地小而民貧其人悍而善鬪其馬市爲夷
貨流通之府胡漢之人胥仰藉焉搶掠所獲不足以
當市易之利夷人以市爲金路惟恐失之而我亦借
此以爲羈縻故開原事體與別處不同撫馭得夷情

順則可不煩兵革而坐享謐寧。因利制權存乎其人耳矣。乃慶雲堡之事始以買貨未至而久稽馬市之賞。遂啓戎心。繼以爰鬼入犯而質留伯言之夷益犯衆怒。此其撫馭機括固已失之。然而國體猶自尊也。乃王鳳翔始則認賊作子。繼乃以身嘗禍。則夷情遂變而國體亦大傷矣。迨夫奉明旨革市賞議剿處。兵連禍結。其勢則然。顧我不能力制其死命。而彼亦不肯輕就我罰服。大舉零竊。在所而有。夷人失利而我亦數蒙其害。結局蓋未有期也。所幸鎮武之

戰兇酋被戮。潘陽之出。擒斬百餘。虜始懾於天威。而就我羈勒。臣等猶以爰兔未剿。阿刺寨未獲。欲從窮治。以正法。伸威於龍荒之外。始無遺憾。乃據該道所呈。爰兔原止搶掠。無預殺官之事。阿刺寨亦爲主所使。又非下手之人。亦自不必苛求。而久待者。况原擬縛獻阿刺寨。蓋以伯言酋首必不可得。故及其次耳。乃今伯言敗歿矣。遮昧鏟漢把都兒縛獻矣。即附殺人之比。則造意者戮。下手者誅。已無不正之條。矧論馭夷之機。則殲其渠魁。宥其脅從。自是大公之道。

原情按法。審時度勢。慰諸夷之心。紓一方之禍。無傷國體。永彌邊釁。寔維此時。曷可失也。

議義州木市疏

開木市

題爲黠酋求市隨便撫防敬陳制馭機宜以順夷情以安邊鎮事。本年四月內據通事胡以平于禮稟稱西夷酋首小歹青要赴廣寧關市買賣領賞仍採取木植用車裝運因山阻赴關市不便要從大凌河順水放至義州大康堡邊牆開市場與軍民交易等情。隨經備行分巡道會同錦義將領查議去後。今據分

巡遼海東寧道兼理廣寧等處兵備右叅政王邦俊
呈稱行准管義州叅將事副總兵李如梅手本關稱
行據義州備禦盧得功會同本營中軍楊應元呈稱
查得嘉靖三十年間小友青伊祖栢哥帶領達賊二
千餘騎在于大康大平二堡邊外住牧年久以爲地
方屬夷上邊講易木植買賣當有前任叅將王重祿
因栢哥原係屬夷本城尚有三千精健兵馬足堪防
禦准令軍民人等各馱米糧與栢哥止換木植二三
次原無設立關口市圈亦無請動官錢後前夷被大

虜達賊頭日得知，怒其內向，帶領衆賊，將栢哥等殺回。至今再無買賣。今照小友青，既要從大康堡凌河放木買賣，似亦舊例。但諸夷入市，不當散亂，須有一定關口。其關口應設大康堡久安臺迤西風口嶺地方，亦當有木塲馬圈，應設本堡正西門河東岸。其駕馭官應添提調官一員，即駐本堡專管木市事務。防範兵馬，本城育馬官軍家丁，除公差塘砲等項外，見在不滿八百，委屬不足。請乞合無于別營量撥勁兵一枝，以防不虞。每歲春秋二季，每季按月三五次，准

其出入交易以復先年舊例等因又准錦州前任遊擊劉仲文手本開稱查得錦州嘉靖初年夷人互市在于大鎮堡鎮邊山大福堡臥佛寺二處通夷買賣後遇年荒大虜屢犯屯民十室九空夷市禁止及查錦州各邊山險陡峻樹木稠密兵馬單弱防護不便似難開市等因各回復到道併將緣由回報到臣又經移文鎮守總兵董一元查議相同及稱撫賞酒肉等物責令守堡官備辦不必另設提調緣由回復前來該臣會同總督薊遼保定等處軍務兼理糧餉經

畧禦倭都察院右都御史兼兵部右侍郎孫鏞鎮守
總兵官太子太保左都督董一元巡按山東監察御
史宋興祖議照環遼而穴者皆虜也。迤比土蠻種類
多不可數勿論。即近邊者直寧前則長昂直錦義則
小反青直廣寧遼瀋則把鬼兒抄花花大諸酋直開
鐵則伯言兒煖鬼諸酋其在東邊海西則猛骨孛羅
那林孛羅卜寨諸酋建州則奴兒哈赤速兒哈赤諸
酋以上酋虜無慮數萬凡皆與遼地相錯如繡人項
背相望竝墻圍獵則刁斗劒戟之聲相聞蓋肘腋腹

心之憂也。自那卜二酋被剿，奴速兩兒受撫，數年來
束垂無事。去歲把兔伯言兒戰歿，抄花花大一敗塗
地。今年伯言之子宰賽受罰入市。廣寧遼潘開鐵間
警報漸希，所未馴伏者惟有長昂、小友、青耳。而小友
青者，素以兇狡雄長，諸酋且其巢穴當衆虜之中。北
結土酋爲其心腹，耳且西助長昂，東助抄花花諸虜。大
舉動以數萬無所不窺，小竊則飛騎出沒于錦義之
間。如鬼如風，不可蹤跡。該地將領自周之望、栢朝翠
之輩，戰歿繼之者，搃手相戒，無敢以一矢相加。遺年來凌

河上下方數百里。野多暴骨。民無寧宇。連阡沃壤。棄
爲甌脫。遠慮者每以河西不保爲虞。臣化龍在事。以
來。數爲之輟食而嘆。謂小反青不灰。遼左之憂。且未
艾也。乃自今歲入春以來。此酋數數遣使叩關求市。
每來則獻人口二三十名。最後以其刺麻僧送。被虜
生員薛天成來。臣與鎮臣庭詰其僧。僧言反青厭兵
矣。今且從佛教。願不復爲賊第。求兩家一家耳。臣等
未敢信。復陰詢其生員言反青自去冬遣使信東虜
歸。而言東虜帳半空。多寡婦。日攜其胡兒啼。遠近聲

相聞也。其妻心動，懼且爲穹廬發。日夜垂涕泣而道之和，反青亦心怵怵，怔怔然。進則虞有高平之辱，居恐復有捨道之舉。日夜馳游騎四出偵我，若旦夕加兵者。然其所爲求款者，即將來不可知。目前似無他矣。於是臣等乃問刺麻虜所願者何。曰：願無出兵搗其巢，願夷人來降者，畱其馬歸其人。願漢人回鄉者，畱其人歸其馬。願得于凌河賣木以養窮夷之不捨，則無以爲生者。臣等謂爾無入，則我無出。誰復搗爾巢。廣寧降夷多不可勝用矣。且內地所不足，非馬也。

惟回鄉而歸其馬則無利。恐流人遂不復回鄉。自後降夷來人馬皆無受回鄉而有馬者馬給其人。不復歸爾。凌河賣木事至重。需後命。虜使唯唯。臣等因謂我亦有所願。願自關門以西。錦義沿邊十五堡。爾無以一人一騎入。若他虜從此入者。爾拒之。拒之不得。則以實報。俾得早為備。大虜來爾止之。不得亦以實報。俾得早為備。願爾無陰隨諸虜入犯。而陽為報以匿其名。願爾無勾連大虜。且為之嚮導。冀以大舉償。零竊虜使亦唯唯。因令之赴關。關將吏監之。殺馬牛。

鑽刀說誓盟於天，因報箭入市，賣馬以去。無何而關西報長昂聚兵三千謀犯寧前。居久之，友青遣使來報，長昂且犯錦義。既而長昂果犯錦義，以先知副總兵李如梅待之于邊，擊却之。半日而出，陰遣邏者尾之。至營向西南去，果長昂賊也。于是臣等始信此酋之求款者，將來不可知。目前果無他矣。始爲行查賣木事，據鎮道將領皆謂有利無害，可行無疑。臣等猶未敢信。復召彼地居民之有知者及士人之習邊事者，遍問之，皆曰可。大約謂其便有五河西無木。木皆

在邊外。自屬夷叛亂以來。遼人無敢出邊一步者。材木之費。止仰給河東。道遠。又時有虜警。不時至。至亦不多。故河西之材木。貴于玉。自市通而河西材木。不可勝用也。一。所疑于虜者。犬羊無信耳。第虜重市。以爲金路。當市之時。多不肯捨。一日市。則一日不捨。一處市。則一處不捨。即今日市。而明日捨。捨非有加于往日也。而我已收今日不捨之利。即今年市。而明年捨。捨非有加于往年也。而我已收今年不捨之利。二。遼東馬市。成祖文皇帝所開也。無他賞。賞即以市。

稅無他市本。聽商民與之交易。官第爲之治其爭而

官大二邊外之房地無他產漢人與救市止以殫忠無所利也。若邊左諸夷則有相珠

防其變。故虜以市爲命。而民亦以市爲利。木市與馬

參木間市之後不持餌房兼可足遊

市等耳。有利于民。不費于官。三大舉之害酷而希。零

竊之害輕而數。小反青不捨。錦義之零竊少矣。而又

西不助長昂。東不助抄化。則虜勢漸分。即寧前廣寧

之患亦漸減。且大舉先報。又得以預爲之備。四所惡

于和戎者。微獨以多費也。蓋亦弛備之害大焉。今大

舉不絕。必不至弛備而零竊頓希。益得以脩備。五。此

五者利害較然如白黑。一二可指數也。于是臣等乃

知木市果可行無疑也。臣等又恐此特其酋長畏死求和。或未必能戢其下。姑少延之。自夏及秋。果無零賊內入者。又恐夷人或假入市。有他舉。或即于市中生事。亦未可知。因以便室與約市期。匿盛兵待之。而令副總兵李如梅通判俞方策與之爲市。且令虜不許多至。致生他虞。至九月二十日。虜果以百餘放木三百五十零。至堡前。臨河與軍民交易。不終日而畢。即以市稅市酒食量賞之。市夷與居民各大歡悅。而退。于是臣等益信此酋目前果無他。而木市果可行。

無疑也。其地宜在義州大康堡以近凌河。且先年故處也。其期歲春秋各一。春以三四月。秋以七八月。水方盛便放木。且非大舉之時無他變也。每季市不過三五次。人不過五六百。便防閑也。守堡官即加以提調。衙聽臣等劄委。不必銓除。旣便彈壓。又省事。且省官也。屆市期仍發正兵營勁兵一千防護。畢市而歸。去鎮城遠不盛。兵不足以待變也。市夷止糴以酒食。不必他賞。賞在馬市不重出。且木稅無多。難浮費也。庶幾乎制馭有完策。而木市無他虞乎。臣等又惟遼

左事體與他鎮不同。他鎮皆貢虜也。市必不搶。搶必不市。蓋其費內帑金錢以數萬計。明以此爲餌釣之。彼亦中吾之餌而不敢變。亦不肯變。勢則然也。若遼之馬市。止可當他鎮之民市耳。民以爲利。故虜雖有順有逆。市終不爲之罷。費不在官。故市之或開或塞。官亦不任其責。蓋犬羊之性喜則人怒。則獸而制馭之法。來不拒。去不追。戰守和交。發而互用。成祖文皇帝所爲經理遼左。法至善也。今之木市與馬市。等偶爾虜懾于戰勝之餘威。其就籠絡。故臣等亦嚼以

交易之微利。暫與休息。今而後其以爲香餌一吞而
不復吐乎。所不敢知。其以爲鷄肋。暫食而旋復棄乎。
所不敢知。自山陝諸邊撫賞數萬。不能保其終不渝
盟。臣等以郊虛一市。欲其守空約而長無後患。一何
款事一敗中朝謀論必深責首事之人故須
詳言之

其所持者狹。所欲者奢乎。惟是其市也。利可牧于目
前。其不市也。害不加于往日。擇福于重。擇禍于輕。臣
等固已言之矣。是故自今以後。虜情少變。則當罷。罷
而虜復輸款。則又當開。開而或陽順陰逆。或東市西
搶。則不直罷。或剿其衆。或搗其巢。當惟其所爲而不

得謂之啓。○彙○總○之○防○撫○者○惟○盛○兵○爲○備○不○必○以○市○否○爲○弛○張○綜○核○者○惟○隨○事○考○成○不○必○以○市○否○課○功○罪○一○切○制○馭○機○密○皆○聽○臣○等○督○撫○鎮○道○竟○自○主○張○不○必○瑣○瑣○瀆○聞○一○如○馬○市○故○事○庶○邊○臣○得○以○展○意○設○施○無○所○疑○慮○虜○雖○悍○且○黠○當○不○復○出○吾○籠○絡○中○矣○伏○乞○勅○下○兵○部○查○議○覆○請○行○臣○遵○奉○施○行○地○方○幸○甚○

皇明經世文編卷之四百二十三

華亭

陳子龍臥子 徐孚遠聞公

選輯

宋徵璧尚木 周立勲勒鹵

夏完愚民古叅閱

李襄毅公平播全書

疏

李化龍

請罷開礦疏

川貴礦稅

題為直陳地方艱危之狀以希特恩以消隱禍事臣
受命總督三省防勦播酋祇畏簡書冒暑入蜀甫至

皇明經世編

李襄毅集

川貴礦稅

平露堂

報酋已親統大兵，侵犯蜀境。臣方調兵遣將，宵晝弗寧。無何又報酋已攻下綦江，漸逼重慶。臣且十道徵兵，寢食爲廢。目今兵漸集，勢漸張，酋亦且剖兵境上，莫測向往。而我兵微將寡，烏合之衆，僅足自守，無能撲滅。此積衰之勢，非止一朝。臣不敢不勉竭庸駑力，圖底定。乃臣有所大憂者，不在兵糧，不在叛逆，而在內地之人心。此如厝火積薪而寢處其上，不能一夕安者也。夫巴蜀僻在一隅，夷漢雜居，易動難安。自昔記之矣。治蜀者必須鎮以靜定，綏以寬仁，乃足以和。

民而懷遠固圉而安疆顧今寇在門庭急於焚溺勢不得不興師動衆又不得不勞民傷財小民固已難之矣然猶可曰此佚道之使生道之殺上爲不得已之役而下爲不得已之供獎以大義動以至情猶可使也乃至有得已而不已足以搖民而資敵如徵稅開礦之事及今不止隱禍且大臣亦何敢無言夫礦稅之事奉有成命差有監臣而臣與按臣且有調停之責有阻撓之戒以故臣一至地方卽與按臣會行該司查議定爲規條立爲則例期於如額以稱上

指卽礦洞亦令隨便開採各有司止爲防守無得阻撓臣爲 陛下理財裕國以爲無遺憾矣乃節據各府縣申報多謂播酋內訌士民流散商賈不行坐派稅銀何從出辦重慶等處且謂城門已閉委官已回將來計數要稅何處賠補則臣於是乎技窮而無所之矣夫蜀敝國也半爲山箐半爲土司其稱沃野可耕者僅千里止耳今東南一帶兵所至已爲荆棘兵所不至亦爲荒墟西北一帶方且招兵買馬運糧製器不從鬼輸皆須民力此何等景象何等時勢而尚

堪爲額外之徵乎。據言利者必以爲稅取於商。不取於民。不知兵戈擾攘之地。顛沛流離之秋。土著者已不安其家。懋遷者肯輕入其地。商不足則不得不取盈於民。以待盡之民。供意外之取。其不轉徒而爲寇者幾何。方欲招客兵而先自散其民。方欲攜叛黨而且更借之兵。卽有孫吳。何能爲計。此臣所爲焦心勞思太息而不禁者也。至於蜀之礦山。半在夷地。卽在蜀者。亦用力甚難。獲利甚少。益不足爲有無者。臣以爲當與權稅竝罷。便然此猶奉 旨在先者也。臣近

皇明經世編

李東野集

卷之二

三

平露亭

萬曆中廢弁奸民借裕國以兩上者後來不加誅亦幸免也

日又接邸報。應天衛百戶范俞一本為恪遵。祖制

等事奉。聖旨這所奏貴州地方稅課并土產名馬

有裨國用。准差奏內內官監左監丞張慶督率官兵

前去彼處會同撫按等官照例徵收銀兩解進。不許

擾害地方。寫勅與他。該衙門知道。欽此。臣一見之。不

覺驚愕失措。夫貴州何地。此時何時。而尚可為此事

乎。蓋貴州原非省會。止以通滇一線。因開府立鎮。強

名曰省。其寔皆高山峻嶺。軍民無幾。尚不能當他省

一大府。有何名馬方物。其誰不知之。彼武弁貧窘無

聊又見各省俱有稅使。以爲貴州雖稱瘠薄。然但得
誑奏。聖明奉旨徵稅。傳食萬里。逍遙數月。計至彼
處。卽不如額。且可克囊。此不過爲身家之計已耳。豈
復有一毫爲國之心乎。夫使其爲往日之貴州也。止
於無稅而已。乃今自播酋造逆。一破偏橋。枯骨徧野。
再戰飛練。流血成淵。至今驛路阻絕。人烟稀少。逆酋
且信信思逞。急於燒眉。臣與撫臣郭子章。每筭及該
省兵糧。計無所之。移書嘆惋。今且驅遺民守危地。小
民如坐漏舟。已有遠心。驟聞此舉。將謂稅無從出。必

括於民。轉相驚恐。勢必逃散。遐方孤城。誰爲填寔。他日必有士卒不戰。城門不守之勢。而一方之事去矣。陛下天縱聰明。必不忍以一方輿圖。易數千稅課。或亦未知地方情事。謾然應之云耳。臣以爲貴州稅使宜急罷勿遣。便。臣爲三方總督。湖廣亦係臣屬。亦有防播之事。然其地去播稍遠。中禍未深。臣不敢多爲不必然之說。以聳動陛下。惟是四川貴州。去播甚邇。受禍甚慘。民心最危。時勢最急。臣若隱默不言。恐禍機竊發。不可收拾。當是時而言之。則晚矣。臣謹

會同巡按四川監察御史趙標、貴州撫臣郭子章、按臣宋興祖、直陳艱危情狀、乞恩。陛下、伏望將貴州中使暫免遣行、四川中使或令姑儘見收稅銀、少辦方物、暫取回京、待播事寧靜之日、另議。庶兩省士民、雖在湯火、尚免靡沸、臣得以大義勉之、令爲國家效死禦寇、或底定有期、太平可望矣。

再報播酋情形疏

播酋

臣看得逆酋殘我內地也、可謂不遺餘力矣、驍將礮嚴城墮、獸驚鳥徙之民、膏原齒刃而莫必其命、彼其

陳兵三溪而嫚書以相加也。豈真愛我而不攻哉。越國深入。踰嶺渡江。頓兵於堅城之下。彼固亦有所忌也。當是時。我誠無兵無將無可爲守。顧嚴行文告以折其不逞之心。亟集兵防以過其方張之勢。稍稽時日。自可保全。事機之會。間不容髮。柰何其周章失措而甘心爲失策之事也。夫屍棺之歸。雖經詳允。顧求而與之。則直挾而與之。則辱加幣焉。則過矣。至欽依人犯縊而與之。則又過。竝生者之家屬而與之。則又益過。國體一辱。不可復全。士氣一喪。不可復伸。當是

時在城鎮道府縣文武如林。乃視若等閑。漫然相付。獨何心哉。臣今方獎率諸臣。共圖戡定。卽諸臣方飭兵治餉。緝奸峻防。夜以繼日。猶苦不足。蓋冀爲桑榆之收。以蓋其東隅之失者。臣亦欲徐觀其定。忘於無言。顧川東人心。不知有法久矣。自合江獻袁子升。黃平獻羅承息。竝此而三。不於此特別白言之。從此各皆原秦民也官遂以媚賊爲排難解紛。以辱國爲達權通變。以足上首下爲屈已安民。行見巽慳成風。豪傑解體。戰不力。守不堅。其不胥而爲夷者幾希。臣以爲兵戈擾攘。

省上必欲置之法此甚正也

遠亦有買賊以爲全民

籌應寔難。固不可逐事苛求。致難展布。第損威傷重。所關非小。尤宜一處以杜將來。合行題請。伏乞勅下吏兵二部酌議覆請。將獻囚送樞。并綦城失守有罪官員。姑行令戴罪管事。以責後効。待事定之日。通計功罪竝論。一面行巡按御史將前後情節。通行查勘。分別議處具奏。定奪施行。庶士氣可振。國法可彰。使過之效可收。夷氛之息有日矣。

請內帑增將兵疏

請內帑增兵將

該臣謹會同巡撫湖廣贊理軍務都御史支可大。巡

撫貴州兼湖北川東提督軍務都御史郭子章議逆賊楊應龍恃其富彊甘心反逆戮將破城了無忌憚近且占據內地脩倉貯穀因糧於我又復立石鐫碑殺人以祭蓋已無人心無天道矣昔宋襄用鄆子干社子魚曰六畜不相爲用而况於人乎得死爲幸其後一年而執又一年而死蓋自古殺人祭神未有不死者此亦逆賊天亡之時也乃賊復信然逞出沒於川貴之間如鬼如風益復造舡數多將圖水陸竝出流毒三省遠近爲之震動人臣無將將則必誅是尙

可少假時日乎、臣等僉議、會須滅此朝食、乃無後患、
顧節訪賊之情形、實亦非可易與者、賊初用兵時、不
過二三萬、且皆五司七姓五十四里之人、自連年許
構、撫剿無常、賊遂內自驚疑、多方設備、招集九股惡
苗、給以殺戮五司之土地賞、以搶掠各省之婦女、又
擅立三十六統制、三十六巡警、十三親管、各有頭目、
各有兵衆、每一人名下多者二三千、少者一二千、總
之不下十四五萬、羽翼已成、居然勅敵矣、我所以待
之、豈宜淺鮮、談者謂宜集兵二十萬、夫二十萬兵、豈

易集餉豈易供、然非十四五萬亦未易相當也。昔成化時尚書程信剿都蠻用兵十八萬、四年而無成功。萬曆初年撫臣曾省吾平九絲、用兵十四萬、一年而成功。今播州之衆、幾倍都蠻、海龍之險、不下九絲、應龍兇狡知兵、又非以前烏合之衆可比、是可草艸舉事乎。近該臣化龍議調陝浙兵與募川兵共二萬四千、臣子章議招三萬、蓋勢窮事急、糧餉不克、且爲目前防守之計、冀就中取事耳、今賊益滋蔓、久更難圖、必須大集兵糧、亟圖撲滅、臣等熟計四川宜用兵六

七萬。湖貴二省各宜用兵四五萬。總之可十五六萬。方保全勝。近奉明旨。雲南廣西福建陝西浙江等處兵各得調用。卽十五六萬之數。自可取足。無容更凟。

川楚米

顧調兵非難。處餉爲難。兵至十五六萬。卽人日給三

尚賦耳。若非邊更不可別矣。

分。一年須百五十萬。三省者非能辦此也。貴州原無毫釐之積。臣近查其布政司庫銀稱可動支者。僅僅七千。令人心悸。四川先年頗有積蓄。自連年採木事起。接括一空。今止有當年額糧各有正項。止可暫借。難以久假。湖廣者尙未查到。然大約在川之下。貴之

上三省物力不過如此將何以支數萬人之食乎近見太倉空乏計臣無措臣等不敢徑請臣化龍止求留餉秦之需還借滇之數僅三十萬耳然秦中之餉今年者已解滇中之銀恐未能卽還臣子章止求於各省借給總之亦捕風捉影未可保其必得也近見邸報該兵部覆奉聖旨兵餉著戶部悉心議處與他勿待來請不許支吾了事欽此仰見聖心垂念遠徼賊不足平矣第恐戶部計無所出止令各省摻括萬一各省復乏求之不應往返請乞便歷時月脫有庚

癸之呼其可令賊聞且見乎臣等以為今日之事在
 四川宜先發五十萬仍留陝西餉銀及催滇中還銀
 以為接濟在湖廣宜先發三十萬仍俟臣可大查本
 省各項錢糧有應留用者徑自題請在貴州原無積
 蓄亦無可留借者姑先發三十萬以上應發錢糧半
 取之太僕寺半取之河南淮安南京福建兩廣等處
 以為半年之餉刻期解到庶克有濟至於各處調到
 軍兵月糧仍在原籍支給川廣貴三處每日止照近
 日援遼事例給與行糧蓋即每兵日給三分而前項

解發之數，僅支吾半年盡矣。至於以後，如事不卽結，或再行請乞，或量行徵派，統候部議遵行。此三省糧餉之大略也。而將與兵亦有所當覆議者。今鄰播總兵四川有劉綎，貴州有童元鎮，各制一方，無容更議矣。惟是湖廣清平，偏鎮四衛俱邊播境，瀘潭一路更當逆賊狂鋒之衝，連年逆賊招誘生苗，多從偏橋往來，恣行搶掠，莫可誰何。近該臣等議將貴州總兵移駐偏橋，顧偏橋去賊巢近，然去貴州省城遠矣。貴州去賊巢不及三百里，一渡烏江，窮日可至。與偏橋相

望四五百里。中隔平越與隆，皆通賊之路。今春飛練

有傷國柱所錄敗也

之役。寔自平越賊若分犯各路，直逼省城，此非一總

兵之力所能禦也。且貴州總兵之於偏橋，蓋兼制之

地也。湖廣兵餉宜得湖廣總兵會同湖廣巡撫調發。

方得精神相貫，應付如期。乃貴州撫鎮俱以兼制之

術用之，此在居平猶可。寇在門庭，動大兵發大餉，欲

求臂指如意，桴鼓相隨，不亦難乎。先年湖廣原有總

兵，且以侯伯爲之，後以承平日久，暫議裁革，今非無

事時矣。原無者亦應議增，况原有者，自應議復。臣等

以爲武昌去南界遠在二三千里，卽聲聞亦難相通。何況調度，臣可大宜移駐沅州。該省仍設一總兵，無事駐劄沅州，有事移駐偏橋，其貴州總兵無事駐劄省城，有事移駐平越，統待事寧另議。庶幾兩地密於張羅，而逆酋已坐井中，此萬全之策也。其湖廣原無兵馬，今卻創設四五萬，召募旣難如期，土兵亦難全恃。臣等查得近年備倭沿江一帶，皆設南兵，如揚州二千，鎮江二千，新生洲二千，淮安三千，江北廟灣二千，南京新設陸營亦可揀選三千，此皆見有糧餉無

煩召募者。今海氛久息，備而不用，宜行文各處撫臣，量給行糧，遣發卽以原將統領，赴偏橋一帶聽總兵分布防守。不足者方調湖省各土司及武岡麻陽等處民兵殺手，務足三萬以上之數。其外處調到兵月糧仍於原籍支給。湖廣亦照前例，止給行糧。事寧仍各歸原地防守。蓋將止復其原有，兵半取之素練，甚便計也。臣等又查得貴州所屬石阡思南二府，婺州一縣，去貴省遠可千里，而各府縣鄰播巢，各一二日程耳。各府縣從來無一兵一將，止有龍泉一守備，領

兵千餘控制其衝而兵微將寡又無城可守賊每欲聚而焚之無龍泉則思石斐川隨其後矣臣等以爲宜於石阡設一叅將婺川設一遊擊各領兵三千一以爲本城之防守一以爲龍泉之聲援其兵將不必另設卽以新設湖廣總兵調來之兵將移駐此皆貴州地也然在偏橋之西去湖廣總兵近而去貴州總兵遠防守之事宜全聽湖廣總兵提調貴州總兵亦得遙制庶體統事勢兩得相安至於偏橋四衛向雖屬貴州總兵兼制今既有湖廣總兵自有專屬不必

更屬貴州總兵矣。抑臣等猶有說焉。近見邸報兵部覆本內稱廣西總兵陳璘馬上催促。由湖廣取道直趨粵西聽援。不許繞路粵東。有悞纓冠之義。計陳璘當不日至湖廣矣。璘素有威名。近征倭更著戰功。粵西無事。將無所急。臣等以爲宜卽改爲湖廣總兵。卽令於湖廣候旨到任管事。其廣西總兵另行推補。將見逆賊聞之。以爲將軍從天而下也。其有不褫魄而奪之氣乎。至於雲南總兵。應移駐霑益州。廣西總兵應移駐泗城州。庶乎聲聞相及。援搗爲便。以上事體

統應題請、伏乞勅下戶兵二部酌議覆請、將前項糧
餉急行解發、將領急行增設、兵馬應調者、行各該地
方撫臣調發、總鎮應移者、行各處總兵蚤行移駐、新
設將領應給勅印等項、查例議給、應得廩費等項、臣
等徑自議處、庶乎糧足兵精、敵愾之勇自倍、犄前角
後、螻蟻之命難逃、逆賊不足平、定寧可計日矣、

留總兵劉綎征播疏

劉綎征播

臣看得將兵者、期於戡定禍亂、不嫌疵類、將將者、要
在鼓舞豪傑、無妨顛倒、綎將家子也、其父顯稱時名、

將功名著於蜀中。綖結髮從戎。屢經戰陣。征播之役。特奉專遣。上以報國。下以承家。綖所宜竭蹶而趨。宜何如其急者。而遷延道路。數月方來。責以逗遛。卽置之於理。亦不爲過。乃陛下猶念其東征之勞。榮以南遷之命。議者謂處之尙輕是矣。顧綖武人也。連年東征西討。動必及之。若謂天下有變。一日不可少此人者。遂矜而自功。淹速自便。於人情亦有之。卽在事諸臣。亦以爲似已不可使者。維時臣亦薄之。直以吳廣未至。例須留之。候代。乃自其候代以後。而人又多

言其可用也。以為可用者有二。其一謂綖父子劉頌久在蜀中。即蜀人與播人頗憚其威名。今當平播亦不可

少。其一謂綖未改南以前。其氣頗盈。將驕卒惰。兵家所忌。必不可用。自改南以後。懼失事機。又懼蹈危機。恐損功名。又恐犯議論。乃悔前慮。後冀一當逆首。而盡洗生平之為快。蓋前此使功。今且使過。皆不可少也。臣頗是其言。比臣至渝。見綖。察其卒伍器械頗多。精利。似留心者。既進而與之深言。論以留用之意。綖乃感激嗚咽。為半生驅馳頗效微勞。今不自意。被不

美之名以去。誠得一當逆首。願食其肉。寢其皮。以間
 執人言。而少靈官謫。死無所恨。臣乃知綖果可用也。
 夫天下之將才多矣。亦何必綖。顧綖有可用之才。又
 有效用之志。且川省邊播。分東南二路。得二大將分
 管進兵。成功尤易。則綖亦曷可不留。顧臣又有說焉。
即此疏。令劉將軍見之。且喜。且懼。即將亦不可無
 綖欲効用。而臣不留。則臣負綖。臣既已留綖。而綖不
文也
 能為臣了播事。則綖又負臣。臣負綖。猶可。綖負臣。且
 令臣負國。此不可之大者也。

叅楚省勦苗失律官員疏

勦苗失律

該臣看得上皮林之事、在諸苗誠無所逃罪、顧跡其
始事、止於截路殺死二人、此盜之白晝搶奪者耳、後
以兵挾勒而敵殺八九人、此盜之拒捕殺人者耳、誠
以盜治之、懸購其首惡、離散其黨與、一獄吏數游徼
之力足矣、卽欲問罪伸威、一勞永逸、亦須播事既定、
鼓其餘勇、亦自遊刃有餘、何必亟亟滅此朝食爲也、
詳其始末、禍蓋獨起於該府推官丘獻可之易言兵、
而叅將黃冲霄之輕舉妄動、幸功而貽禍也、夫苗以
萬數、不爲不多、三千兵豈易敵之、而率爾深入、一何

急也。邇來衛所兵疲敝脆弱，各省皆然。今所恃者，乃該衛欵兵千五百，與其餘之零星烏合者，且撤征播之兵三百，竝止偏橋上班之兵以益之，一何易也。陷入伏中，略無知覺，一何愚也。二十世官，三千甲士，駢首就戮，又何懦也。主將奔回，城門晝閉，綿花千斤，銀七十兩，盟之城下而與之，若非衣巾土生之緩頰，幾有牽羊繫頸之事，又何其備極醜態也。蓋黃冲霄自以爲惡苗無幾，一鼓下之，張武功而受上賞，亦足以明得意矣，而不自知其兵不可用，與已之不能用兵。

舉數千人之命嘗試以博功名於心安乎夫將有懦者每畏敵而不出然尚足以全軍亦有勇者或與率而併命然亦足以立節冲霄於二者何居焉此宜盡失機本法真之於理始足償二十武職之寃命而慰三軍之幽魂者也若丘獻可者不知兵又不知將倖一擲以快雄心而不意流禍至此極也顧其事在將領將不足任彼亦無如之何此宜量行議處以警文職之喜事者永從縣知縣龔一麀始事旣鮮綢繆臨事又失駕馭損威貶體貽恨一方亦應竝議罰治以

警庸懦者也。若該道副使王應霖，地其所隸，兵其所司，失律納侮，何以自解？第其始而持議，原止挾勘而未及征勦，繼而舉事，方駐偏沅，而不在行間。當該叅倉皇苗警之秋，正該道拮据播事之日，所宜量行罰治以戒失職，仍候播事通論以責後効者也。顧臣尤有說焉：臣之得督三省也，以征播則一播之外，餘宜勿問矣。顧征播豈易言哉？士馬不精，疆則不能征，錢糧不饒，裕則不能征。人心不齊，一地方非寧帖，則不能征。此宜舉三省之遠近上下，一意從事而後可襄

一兩省一隅必顧全局所以能成功也

之督撫惟願各盡信地以幸自免豈進師之義乎

厥功者也。乃臣以二月初三日誓師，十二日進兵，而該省以初四日勦苗矣。又無何而告敗矣。此其於征播得無相妨否。夫臣所督者三省軍務也。漢土官兵例得管轄大小軍機，例得與聞。勅諭昭然，節經申飭。奈之何各院道俱有詳而獨無一字詳臣也。旣不詳則宜竟不詳矣。又何失事之後而始倉皇詳臣也。蓋此事上下相視以苗爲易與，謂一舉滅之，當以功報而不意其決裂至此，始不得不以相聞，然晚矣。臣請著爲令，自今以後，二省兵事除尋常強竊盜賊不必

瑣瑣相聞外。但凡土司郡縣衛所漢夷一切有關兵馬錢糧重大事情。應詳者詳。應驗者驗。卽事在當機。難以遠請者。亦一面舉事。一面報聞。庶臣得以叅酌。贊成。或未必毫無裨補。臣生平職掌之外。不好多事。惟是有感於皮林寨之事。如黃冲霄之不任專征。與衛所軍之不堪剽苗。知之頗真。當征播之時。不宜別有舉措。以亂大謀。籌之頗預。使其有一字之聞。亦未必無一言之助。幸而事止於此。若更大則此省之進兵有阻。當是時而後。重加叅處。已無及矣。

參失事官員疏

天事官員

看得逆酋雖狂狡乎。其地直彈丸耳。今且集各省之兵環聚而圖之。此以八服一。蓋十全必克之道也。惟是相機而進。待時而發。以彼之無所不守。當我之無所不攻。雖有勇智。將安所施。初臣之誓師進攻也。期以進則齊。進攻則齊攻。既而各路以遠近不同。及梗道之零賊。堅瑕不一。自不能如期抵關。臣隨爲一單開數款授之。各總兵與監軍內第二款云。一賊常言各處防守。幾時是了。不如放一枝入關。與之併力一

今之縱賊入川或亦此道乎

戰破其一路。各路自懼。今宜到關時。劄一大營以爲家。然後以輕騎探望。各路俱到關。方一齊殺進。賊自不能分身應之。成擒必矣。各路鎮道守此勿失。如南川路破關以初九日。龍泉路破關以十五日。各堅守至今。會師竝入。蓋其慎也。乃烏江路以十一破關。稱疾足矣。據關自守。稱得勢矣。謂宜深溝高壘。堅壁以俟。又須瞻前顧後。扼要防姦。庶其稱有制之兵。成無敵之烈乎。獨奈何玩忽不戒。一敗塗地也。臣謂烏江之敗有六失焉。初臣計賊兵動號數萬。我兵雖分八

此黔中並元鎮之兵也

路不能一時到關。若奪關之後，據關而守，彼或以全力衝之，衆寡不敵，不無可慮。故臣所派八路兵皆三

萬餘，此無容更分矣。該路兵止宜聚於烏江，其河渡則張疑以守可也。乃分而爲二，相去遼遠，我分彼合

爲也

衆寡懸絕，爲賊睥睨久矣。其失一也。兵旣分矣，幸而

得關，宜合兵以待其軍，無容更入矣。而河渡方且攻

岡，烏江亦未治壘，其失二也。關在前，江在後，是背水

陣也。法宜死戰而見賊，輒走其失三也。欲覓退步，必

須守橋度，幾可前可卻，乃無一夫之守，姦細得而斷

此兩悅所以敗于馬澁也

分兵四守此情而不知其者所

之其失四也。換旗合哨。非倉卒事。旣知有姦。卽宜整備。而悠悠忽忽。遇敵先亂。兵家軍殆不如是。其失五也。土漢錯雜。緩急異指。一失駕馭。豈得調和。積妬成爭。自分吳越。符離之事。殷鑒不遠。其失六也。此六者。兵家所忌也。有一於斯。足以致敗。而皆犯之。宜其及矣。

初報捷音疏

張捷

該臣看得賊自破碁江以來。彼方志得意滿。肆張虛聲。以恫喝外方。而我亦轉餉集兵。不動聲色。以專俟

大舉蓋兩相持而莫爲先發者久之。乃至冬月行盡。賊見臣移鎮入渝。自知罪在不赦。剽在必行。狡焉有。鴟張豕突之態。以川中有備。未敢長驅。乃貴地尙虛。輒恣猖逞。東坡爛橋。已罹狂鋒。龍婺思石。日傳警報。臣乃一面移文貴省撫鎮。剽苗以清興黃之道。集兵以厚龍婺之防。一面催調施州衛平茶司各土兵及建越兵共萬有三千。自川入貴。助爲防守。一面行沿邊防守土漢官兵相機。剽以牽賊之勢。而釋貴之圍。乃無何而報捷者紛紜至矣。貴州之斬獲雖不甚。

多然自是而生苗不復入播官道得以無阻我得專

所招苗之路

至

也時水西

兵三

萬守黔

意行剿非小補也而川中南川之役初而斬級者三

十破其金竹等砦塞繼而斬獲者三百遂破其官壩

大營雖兵力未齊未敢深入以成破竹之勢乃積弱

之後初有此捷始知賊無足畏各有戰心賊亦知外

兵漸強或可少戢其猖狂之勢矣是役也撫鎮司道

籌畫多方漢土官兵感激用命至南川二捷皆推官

高折枝監督鼓舞所由致然其功均有不可泯者但

臣今方傳檄三方會期夾勦人事未就曷敢先叙微

功直以逆賊半歲以來，如火然水決，居然有燎原焰
天之勢，一旦駢首就戮，如彼其多，亦足以少寬 皇
上西顧之懷，而暫快海內念亂之志，故不敢不以上
聞，伏乞勅下兵部俟事完之日，統行議覆施行。

四報捷音疏

報捷

看得賊自先世以來，雄據播州，延袤千里，踐山爲關，
扼西北之吭，因江爲池，絕東南之衝，自以爲天險不
拔之基，誰得而睥睨之者，以故肆其雄心，日益狂逞，
東南則破五司之墟，略黔楚之境，烏江內外，湖貴四

十八屯皆侵爲播地，招引紅脚黑脚生苗居之，設爲四牌七牌統制諸所，名爲硬手，用以戰勝攻取，所向無前，西北則侵凌綦合百里之外，皆以自封立碑定界，以爲永業。婁山崖門諸關皆極力鑿削，陡絕天成，自謂可出而不可入也。乃諸文武將士懾於陛下之天威，激於討賊之大義，智謀勇功，殫竭無餘，競勝爭奇，感激用壯，坐使畏誅者投戈乞降，逆天者駢首就戮，奔其關隘，擣其腹心，大水田永安莊桃溪衙皆賊所爲，世脩莊院，僭擬侯王者，今且據之焚之，蓋已

侵侵乎及白田壩海龍圍矣查各路有據關者有入
關者祇有偏橋一路見攻長坎等三圍未下其餘業
以掃清惟是環播之地山大箐深未易合哨故不能
一擁而至賊巢要之合哨夾攻當不出旬日之內且
臣按閱圖譜賊地關外十六關內十四今之形勢已
覺窮促儻所謂其亡也可立而待者乎惟是兵形無
定兵機多端蜂蠆有毒困獸猶鬪日慎一日曷敢爲
全蓋卽疏內所陳擒斬數百招降數萬各路之功如
指諸掌而臣一不敢爲之叙功祇欲責其成觀其後

耳先是臣有軍令以應援合哨爲急貴州烏江之失。
安氏之不取任剛則黔撫之力也安氏之兵居然無恙貴竹人多咎之。口語籍籍臣已
飛檄切責之。而會報功之檄聯翩而至。臣亦且勉以
後功而不深求其前事。蓋亦責其成觀其後之意也。

五報捷音疏

報捷

看得賊之甘心造逆也。自以爲撫千里之雄卦。據河
山之極阻。加以鄰比相助。狐兔情深。卽王師進剿。其
如我何。一戰勝之。當且灰心。從而養威蓄銳。乘時鵠
起。天下事一何可知哉。何意於今而不然也。自四月

初三日以前各關俱破蜀兵進入關外未下者長坎
碼碯青蛇三大圍耳保子等圍不足言也乃今而盡
爲陳璘攻破矣施州兵久破板角關直候璘至同入
平越兵亦以孤軍難進且蠶食於黃灘關之外今黃
灘亦破且擒斬多人計三關者不日相率同入關以
外無復著手處已乃蜀兵自入關之後更番迭戰賊
每不支初八日永合兵破之於水牛塘十二日南川
兵破之於高坪十七八日蜀兵盡會南川路衝鋒奪
關基合二路繼之因破其龍瓜圍養馬城海雲圍直

擣其鐵柱關而連營其下以逼之計賊所有止一海龍回直據之以苟活旦夕耳初賊結好水西比事起時時以唇齒之說動之水西意不能無惑而惕於天威又不敢不出兵相角顧其戰不甚力也烏江之事衆多蜚語臣移檄詰責之水西不自安矣而會賊偶殺其搃山之頭目陳起禮者隴澄大恨之賊且差人備禮謝過澄遂立斬其使於營門賊憤甚卽治兵相攻大剽而去先是臣令安彊臣絕播州之交彊臣強應之寔未絕也臣謂監軍楊寅秋曰彊臣寔絕播州

者可執治西布夷以伐艾為上使黃繼枝來蓋二人為沙溪頭目。賊所用以通安氏者。至是疆臣欲執之以取信。既戰之後。因謬為好語謝之。求敦前好。賊雖疑之。然意幾得復行。成也。遣二人竝二十餘人往。疆臣盡執之。自是二氏之交絕矣。此亦天之所以亡楊氏而保全水西。令其以忠順永世也。

播州善後事宜疏

善後事宜

議照播地改土設流。分置郡縣。於以昭聖朝一統之輿圖。而新海內萬年之耳目。甚盛舉也。查該州地

鄰三省。然楚止偏橋。路通一線。蜀與黔。蓋無所不接。壤夫蜀無藉於播。黔瘠壤也。若乘此時而割播地以附黔。則於蜀無損。於黔有裨。且臣等別疏。又請以楚之四衛竝割附之。從此黔省幅幘得與十二省比長。黎大甚爲長便。但盡屬之黔。則地方千里。諸凡締造勞費尚多。亦黔所不能堪。因議設爲二府。分隸黔蜀。黔蜀之庶建邦啓土。各自經營。成聚成都。指顧可就。除寬脅爭自此而始矣從撤兵馬。招流移。厚賑恤。抑兼併。靖橫恣等項。凡明旨所叮嚀。而兵部所條議者。俱已陸續舉行。及見

之後開款目外謹集衆思列爲十二事進呈 御覽
伏乞勅下覆議施行、

計開

一復郡縣播州南極泮河西連夔道東西廣一千二百二十里南北袤一千四十里漢唐故爲郡縣在川貴之間亦一都會也至唐乾符間陷於南詔楊端取而據之今逆酋旣平相應改土復流以變夷俗及照播州白田壩沃壤數百里卽播州遵義縣故地當復府治設縣附焉桐梓當綦南之衝走川貴道也舊爲

夜郎縣故地。當復一縣。望州南接婺思。北達真培。爲綏陽縣故地。當復一縣。仁懷濱播枕永。襟合帶瀘。爲懷陽縣故地。當復一縣。真州卽古珍州。川原平行。商販周遊。應復一州。以上俱隸川省統轄。黃平爲川貴要區。舊設撫苗通判一員。列銜重慶。駐鎮彼中。其與播勢相控馭。竝爲重地。應設一府。湄潭龍泉。地里廣邈。各應建設一縣。甕水重安。合設一縣。餘慶白泥。合設一縣。并艸塘容山二司。應割隸各縣。以上地方去黔甚邇。相應改隸貴州統轄。總計增府二。州一。縣八。

蓋亂流初殄。地闊人稀。姑建數城。以爲繫屬。以後地
闊民聚。無妨增設。其二府治與附郭縣分正佐首領
各應照例全設。外州縣正佐首領俱應量減。以上擬
定郡邑并府治倉庫。準今酌古。應新其名。統祈欽定。
至於新設各官廩糧等項。暫於征播支剩軍餉銀內
支給。俟播地田賦起科。接支議行停止。伏候 聖裁。
一設屯衛。近日所稱有費而無益者。莫如衛所官軍。
然亦不可盡廢者。播州地方千里。山川險惡。夷漢雜
居。又逼鄰二大土司。時有啓疆之志。必須設官軍建

屯衛以明居重馭輕之勢。而消睥睨跋扈之心。若夫時操練汰冗弱。令爲有用而不爲無用。則在當事者之力行何如。固不可因噎而廢食也。應設一衛於白田壩。與府同城。指揮一員。同知二員。僉事二員。鎮撫一員。經歷一員。知事一員。所屬前後中左右五所。每所正千戶一員。副千戶一員。百戶四員。所軍各一千共五千。衛所官於從征有功者酌量陞授。不足者於鄰近願入者調取移實之。其邊隅逼鄰土司地方。各設屯田。每軍照祖制二十四畝。再加六畝爲冬衣

布花之費。共三十畝。卽自種自食。不必納糧於官。又復領出紛紛。滋弊各開屯處。除養屯兵之外。餘田仍照民地起科。上納本折於各州縣。爲衛官俸廩。及時軍興之用。每年冬十月十一月春正二月農隙。各屯官時加操練。又以十月十五日二月十五日齊赴兵備道大操三日。驗其武藝。較其強弱。而明賞罰焉。老弱者汰之。一屯老弱多者。竝革其官。軍人之田。卽另募壯丁補伍。廢軍得定用。異時卽募兵散盡。此五千軍與主兵三千。自有八千可用之兵矣。至於貴州

衛所已多。且黃平原有一所。不必增設。以滋冗濫。伏
候 聖裁。

一設兵備。播地三面環夷。干戈甫戢。當此經綸草昧

之始。設立有司。可以招撫流亡。或未能長駕遠馭而

圖久安。布置將領。可以備禦倉卒。或易於生事。徼功

播州撫治流移兵備所自始

而開邊釁。欲以內脩戎備。外攝夷心。整肅羣僚。讐服

衆志。爲地方長久之計。則兵道不可不設矣。合無添

設分巡兼兵備官一員。註銜四川按察司。請給勅書

關防。於播州白田壩新建府城駐劄。專 整飭新復

郡縣并重慶衛忠縣二所永寧酉陽石碛平邑等土
司兵務兼理有司錢糧獄訟其重慶府巴縣綦江南
川涪州武隆彭水切鄰地方悉聽管轄以便行事黃
平新設一府四縣雖割屬貴州但人心初附田土毗
連與貴州水西宣慰司竝聽兼制至於該道俸薪等
項查照叙馬廬兵備道事規暫於重慶府屬州縣編
派俟播地田賦定後改編於新設州縣凡該地方一
切招集兵民脩築城堡布置邊防儲積糧餉疏通驛
遞禁伏豪強諸事聽其隨時督理俟二三年間田均

食足。兵治民安。政教脩舉。遠近懷柔。卽破格大用以
酬其勞。庶重地無虞。安攘有賴。伏候 聖裁

一設將領。照得播淪於夷。閱八百餘年。風俗獷悍。法
令杌格。所從來矣。今地方雖經蕩平。而逋孽潛藏。漢
夷錯雜。招苗樹黨。越界侵田。時所必有。未可便謂晏
然無事之秋也。儻非得一大將提重兵鎮壓之。欲其
俛首帖心。惟吾有司之約束。其將能乎。今議播州留
兵一萬。黃平留兵三千。粗足防守。然必得一大將鎮
之。始可無事。查得先年克平九絲。議留總兵一員鎮

守其地。今建武視播稍緩。卽一叅遊足領之。合無將
軍門標下新添設練兵遊擊一員。改駐建武防守。原
設總兵移鎮播地。應留各兵挑棟家丁三千。買馬三
百。內總兵標下家丁二千七百。馬二百七十。以坐營
千把總領之。兵道員下家丁三百。馬三十。以一中軍
領之。有事俱聽總兵提調。名爲正兵。此外兵七千。酌
量分布於白田壩。眞州。桐梓等縣。播川等驛防守。內
以一遊擊領三千。以二守備各領二千。各用千把總
分領之。有事征戰。無事卽爲築城。鑿池。建郡縣。脩郵

驛之用糧銀照依舊例支發。徐俟建置竣工之後，除家丁三千馬三百外，餘軍以次議撤。有願附籍當軍及爲民當差者，聽從其便。千把總俱於附近衛所官內選用。其黃平留兵三千，仍設一叅將領之。總聽防播總兵官節制。斯將兵之錯置得人，而邊境之姦萌自息矣。伏候 聖裁。

一急選調郡縣既復，應設正佐官員分理庶務。緣地方初定，需人爲急。若非掄擇自近，亦何濟於目前。臣等再四諮詢，如龍安府同知劉安仁，堪任新設播州。

知府、重慶府同知王陞、烏蒙府通判劉之澗、俱堪新
府佐貳、劍州知州陳應楨、溪縣知縣寇克順、彭山縣
知縣何珩、原任資陽縣知縣詹淑初、宜賓縣縣丞曹
一科、以上各官、俱堪各州縣正官、但草昧經營、人不
樂就、應從優陞、用示激勸、且劉安仁十年州郡、久著
廉能、王陞劉之澗、轉餉有功、陳應楨資俸已久、應以
劉安仁卽爲播州新府知府、王陞加運同銜、管同知
事、劉之澗加同知銜、管通判事、陳應楨加同知銜、管
真州知州事、知縣寇克順、改附郭、何珩、改桐梓、詹淑

改望州縣丞曹一科陞仁懷各知縣臣又查得附近
地方佐領等官頗有幹才堪以集事者如經歷楊體
寬等數員俱應爲新地佐領之用重慶府經歷楊體
寬應改新府經歷本府知事何遲應陞新附郭縣縣
丞長壽縣縣丞劉學可應改桐梓新縣縣丞定遠縣
主簿李愛宗應改仁懷新縣璧山縣典史蕭時寬應
陞望草新縣各主簿忠州吏目吳從周應改真州吏
目原任播州長官司吏目今陞資縣典史徐里應改
新附郭縣松坎驛驛丞張二南應陞新桐梓縣湄潭

驛驛丞朱化龍應陞新望草縣令陽水驛驛丞徐懋
功應陞新仁懷縣各典史臣已經行令各官一面權
宜任事凡相度地形建立衙門脩築城池清理疆界
丈量田土召民受壓按籍編戶一切撫摩禁戢事宜
但有利於生民裨於新鎮者俱聽公同在事文武悉
心料理務臻寔效去後仍請著爲令如三年之後政
績有成別無他過卽照格超陞以酬其勞黃平新府
并屬縣正佐除貴州撫按題有應補人員外未足者
及播州新府推官新衛經歷知事附郭新縣主簿等

官應卽銓補其兵備員缺臣查得兵巡下川東道僉事徐仲佳前委南川一路糧運時當戎馬倥傯之際本官處夫處餉轉運極其調停本支折支會計更多儲積不動聲色大事克濟卓然爲四路首稱及查歷來新定夷方兵備官員皆於地方用事人員內查其賢能卓異者不次陞補應將本官加陞四川按察司副使職銜管理分巡及整飭播州等處兵備庶便彈壓至於總兵付託尤重臣等查得鎮守貴州總兵官李應祥當改爲鎮守四川總兵駐劄播州以綏夷方

又查得軍門標下守備江萬化堪陞遊擊職銜赴捧
領兵建越提調劉勝宜授領兵守備尙少一員容臣
經行查委通乞勅下吏兵二部酌議就近推補伏候
聖裁

一丈田糧環播幅幘千里田地無慮數千萬畝。及考
其舊時額糧止歲以五千八百石輸貴州。蓋夷方賦
稅原自輕減。至應龍出而後巧取民財。定爲新法。名
曰等寶。每田一畝徵銀數錢。初猶歛其財以招苗。後
竝奪其地以養苗。而賦法蕩然盡矣。今旣改流。自當

純用漢法以定田賦。合責成新道府親率州縣官。揀定疆界。沿丘履畝。逐一丈量。分爲等則。造冊呈報。以定賦法。第額糧輕重。蜀無定規。查克平九絲。丈量田地。分別上中下三等。每畝上田四升。中田三升。下田二升。今宜倣之以清播田。播地山水間雜。不止三等。尚有上上下下者。宜逐項分析。最上者一畝可當上田幾畝。最下者幾畝可當下田一畝。則待臨時斟酌。定難以預計。丈完總計田地若干。糧若干。徵本色若干。折色若干。候二年之外起科。除足一年夏秋二稅銀。

力二差一切雜費外餘解布政司克邊餉支用其承
丈各官果能執法不撓精覈不爽事完從重優陟若
乘機作蔽委用不效者兵備道不時叅呈以憑究處
庶賦稅一清公私胥賴伏候 聖裁

一限田制播土舊民自逆酋芟夷之後大兵征討之
餘僅存者十之一二耳遺棄田地多無主人惟冊籍
不存疆界莫考復業之民往往冒認影占原少而報
多原瘠而報肥甚至一人占田一二千畝尚有異省
流徒假播籍而希冒占者夫王者之師弔民伐罪罪

人既得子遺之民自當存恤顧無知小民何厭之有。若任其胥占而不爲限制不惟告擾紛紛徒滋多事恐將來田地闕而人民少不能成府縣之規且自應龍在事以來與奪任意生殺自由強凌弱衆暴寡凡業厚而田豐者皆席應龍之寵而魚肉細民所得也此輩初用事後得罪有逃避他方至今方出者有身爲奏民起釁釀禍者有其身已戮其家已滅而一二遠族尙思承產者誰爲厲階致此紛擾卒今天朝以二十萬之師費百萬之餉殺人數萬方得剪定此土

字而猶令此輩竊據以自封。卽應龍地下亦不服矣。今應將播之舊民號楊保子者。查果真的。無論原業肥瘠。俱人給田三十畝。上中下攙配均給。若一處皆上田。皆下田者。臨時酌給。大率純下田不得多過一百畝。純上田不得少過二十畝。其原非播民。必不能爲楊保語。亦自易辨。無問其曾否寄住。皆不得妄認。斯詐冒不行。爭競可息。至遺下無主民田。應另行招人承種。納糧當差。應龍官莊。並楊兆龍田。一鵬何漢良等。諸擒斬。過有名頭人莊田。盡數沒官。聽三省之

民願占籍播州者承種其領地之人查照時值量行上納以充目下建立城池衙門驛傳諸費亦定爲限制平人不過得五十畝指揮千百戶不得過百畝俱於丈量時定糧定價令不得那移州縣官收過絕產價值給付印契登入循環聽兵備道稽查轉報撫按查考經該官吏如有乾沒從重治罪庶定經制之中又得夫裕財用之意伏候 聖裁

一設學校播故有學宋元世俊茂朋興如冉從周猶道明白鎖之流俱登進士蜚聲上國自逆龍禁錮文

宅寇讎儒生以蒸報爲禮義視蒞醜爲名教每自稱
爲秦始皇蓋坑儒焚書以愚黔首亦略相似身爲鮑
魚有由然矣今干戈旣戢文教宜先第新遭大兵不
惟士人廢沮抑亦物力未贏若紛紛建設徒以恣虛
費之竄開奔冒之門於弘文雅化無當也今照府治
網紀諸邑寔爲風化之首白田黃平舊有學宮補葺
亦易特師儒久虛耳當於二府原學各補教授一員
益之訓導二員以聯生儒至博士弟子員無論附郭
外縣但入學使之選者蜀新四縣隸白田學黔新四

縣隸黃平學。待各縣人文漸盛。物力稍紓。嗣各立學。未晚。真州旣改爲流。其地方殷富。人物道華。亦須建一學宮。設一學正。以示維新之化。學校旣立。振鐸有地。明以人倫。風以禮讓。彼旣才能崛起者。足以備國家徵辟之選。而移風易俗無難。不然而身被章縫。手執簡編。亦足以潛消邪心。興起善念。月蒨歲漸。不自知其化於禮讓之內矣。用夏變夷。莫要於此。伏候聖裁。

一復驛站。播州各驛。自逆酋閉關負固。驛官不敢赴。

任過客不敢經行。站戶逃徙，館舍丘墟，十數年矣。茲者地方底定，道路大通，驛站之設，勢不容已。登得播州舊轄松坎桐梓播川永安湘川烏江昌田沙溪仁水湄潭鰲溪岑黃白泥一十三驛，俱當川貴孔道，所有各該驛館，應合分令領兵千百總同見在驛丞率領防兵，就彼採辦水石，燒造灰瓦，趁時興工，合用匠役，亦於兵夫內查有慣造者，徑撥不足者於附近州縣取用。工食銀米，計筭於該邊支剩軍餉內動支，仍責成新設府佐一員，往來稽督，不許虛冒錢糧曠廢。

時日事完冊報。又查各驛夫馬支應及官吏俸薪舊額上司供辦。今既改土設流。似應與腹裏驛站一體僉派。但流民授田方始。難便買馬行差。目前一切站銀暫應官爲出辦。俟里甲稍定。卽行編派。至於夫馬額數。應照衝僻爲準。湘川驛附郭爲四路。最衝應設馬四十匹。夫八十名。松坎桐梓播川永安四驛。地衝路險。應各設馬三十匹。夫五十名。烏江仁水湄潭岑黃鰲溪白泥各驛。俱欠衝。應設馬各二十匹。夫各三十名。昌田沙溪止通水西次僻。應設馬各十匹。夫各

二十名伏候 聖裁

一建城垣夫郡縣旣設必有城垣所以明保障防不虞也播州之一府一州四縣與黃平之一府四縣並宜城城竝宜石石少者以甄代其兵備道總兵府并府衛州縣衙門公署倉廩庫獄城隍廟演武場與二府一州儒學文廟殿廡齋舍等項俱當以次修舉而各官一抵地方棲身爲急衙舍之建尤宜首圖一切應用木石甄瓦灰釘各若干工匠兵夫各若干應支帑廩錢穀各若干分委督工員役各若干城垣高廣

丈尺若干、城樓城門敵臺堞口若干、衙門倉庫廟學房舍殿宇若干、俱應該兵備道督同各府州縣正官選委勤明佐二首領雜職等官帶匠佐勘務要周悉呈詳撫按衙門於堪動銀內行支應買備者買備應召集者召集、剋期興工、多方稽督大約城垣以二十年二月內起工、限年終落成、餘各以次修舉、就中員役有怠惰者、錢糧有冒破者、工力有艸率者、俱應該道叅詳拏究、事竣之日、造冊報撫按衙門奏繳、庶險要可資、防禦有賴、伏候 聖裁

一順夷情、播地皆夷也。大兵之後、爲賊用力者、刈夷
蘊崇、已無遺種。今見在者、曰各司土官、曰七姓、奏民。
曰投降夷目、皆宜安插得所。願就中情事不同、亦宜
分八。如八司曰播州、真州、白泥、餘慶、艸塘、黃平、重安、
容山、內安撫二、長官六、又一司、甕水、原無印信、亦稱
長官。又有宣慰同知羅氏、此皆世有官號、與播竝建
者。播州長官王積仁、以附播被擒、獻俘、此當與楊氏
俱滅、不待言矣。真州附播多年、綦江之破、助兵三百
著在耳目、同知羅氏與江外五司、首起覺端、挑怨速

禍且具奏改流致激應龍之怒殃及墳墓流禍鄰封致有今日之事海內震動流血千里則諸司者罪之魁也故說者謂真州宜正其附播之罪而江外諸司宜以起釁絕之不爲無因第王道如天罰宜從輕賞宜從重真州當進兵之初率先歸附正副長官各以千人從軍江外諸司各招兵聚義克黔楚鄉導此輩卽不足爲重輕顧一念誠款自應量酬合將真州正長官卽爲該州土同知副長官卽爲該州土判官江外諸司安撫與正長官卽爲該縣土縣丞副長官卽

當以英漢法相參
為土主簿同知羅氏為新府土知事。此則略其大罪。
然如宋南事可參

錄其微功。且令繼結羶毳之流。居然儕於衣冠文物之列。諸夷亦何幸焉。此外尚有投降夷目。原非長官。本無冠帶。但賞格曾坐名開諭。輒爾先事歸誠。亦宜少示眷酬。以明恩信。如上赤水里頭日袁年父遭酷禍。投降最早。宜授以所鎮撫職銜。下赤水里頭日袁鏊。仁懷里頭日王繼先。安羅二村頭日羅國明。羅國顯。安鑿以上五名。在王繼先臨時觀望。在袁鏊等兵進方投。即待以不死。亦為正法。但其返邪歸正。自宜

量酬應各授以冠帶總旗諸人田產止將本身者照冊撥給應納稅糧通附州縣官處上納其餘里人俱令附籍納糧當差不許仍以家人爲名恣行霸占違者治其前罪至於七姓秦民始助楊氏之惡繼傾楊氏之族尤爲禍首天下恨之但逆賊造反罪大惡極自難以餘波及人除在軍前作惡著有顯蹟見行監問者照律正罪外餘俱無論槩與維新如仍蹈故習豪橫害民該道徑行拏問癸落以後各地方人民亦不得指稱以前事體將處分過播目播民告害致起

事端。官司亦不得受理。違者竝罪。伏候 聖裁。

一、正疆域。播地東北接連三省。縣衛各有疆界。無容
濶滄。西南左接水西。右逼永寧。雖犬牙相攬。未能齊
一。然畫野分疆。亦自有相沿界至。惟是夷性犬羊。互
爲雄長。強則侵凌。弱則滅削。甚至有一地而甲乙互
臨。一人而齊楚兼事。如儒溪沙溪水煙天旺皆播州
五十四里之數。見有黃冊可考。緝麻山李博堙仁懷
石寶壘平等處。亦皆播州世業。祇緣先年楊氏中衰
時。曾爲永寧水西侵占。後應龍當事。治兵相攻。恢復

故業。各邊目又已任其糧馬。兩下支持。此在土司可也。今既改土設流。自宜各復其故。尙可混行爭占乎。

乃水西止求清查。永寧輒行賣擾。且動以瓜分爲言。

今二司究竟至板城

不知賞格所謂瓜分者。謂不動朝廷兵馬錢糧。土司能建義自取之也。今兵糧之費。騷及海內。土司一旅之師。不啻背上之毛。腹下之毳。猶且多支本折。優議叙錄。此亦何負於彼。乃復垂涎土地。則此一番大勞大費。止爲土司管家事乎。土官明於大義。必能引分自我。第其邊隅。目把。往往罔上行私。冀廣已業。及今

若不查明將來未免多事。應行播州該道會同鄰近道分清查一切相鄰地方。如原係播州者歸之播州。原係永寧水西者歸之奢安二氏。刻石立碑永爲遵守。其鄰邊日把。如不安分義。妄肆侵爭。重行究治。干礙土官。一竝叅處。蓋朝廷伐暴救民。原不爲利。其土地但無涯之欲。漸不可長。且楊氏之禍。止以下驕恣而上姑息。遂釀成滔天之患。今復苟且遷就。誨爭養亂。非地方之利。亦非土司之福也。伏候 聖裁。

皇明經世編

卷之二

四

皇明經世文編卷之終